

瑜伽師地論記

卷七

五



菩薩地持

出世間大行大果故名

菩薩如是種姓發心脩行得果一切悉說為菩薩地於中有四瑜伽

處舊地持云方便處今云瑜伽正翻相應義如前說言四瑜伽者一

持瑜伽出彼菩薩所學之法若因若果摠名第一持瑜伽處二持隨

法瑜伽謂隨前法而起脩故名隨法三持究竟瑜伽由脩成滿故名

究竟四持次第瑜伽重明前義諸品次第故言次第皆言持者是任

持也此有三義一者以因持果二者景云任持自築基云堪任名持

有種姓者有堪任故三者前能持後如初瑜伽復有三持初種姓持持

於發心發心持持於方便方便持持生佛果則云持有三

持果以摠持別以文持義故名為持摠論今初有十八品種姓

文上第一若依梵本初字在下今則此方初持瑜伽乃至第一問曰

第七卷 地論記 師伽瑜

前三種持明諸万行三處明何別遂三周明耶錄曰如瑜伽釋家寂
勝二釋初持明十二住唯所行之行法第二隨法明十三住兼解如
來注明能行之法第三究竟合十三住為其七地七地者何始從種
生乃至究竟此持明學成滯重明因果雖三周明義其意不同論
是已談至菩薩地記曰就此地文摠判為二初結前生後二正
解釋泰玄依西國經本初寫經人將寫經時或先歸依三寶或先歸
依大自在天然舊翻此地謬置經生歸依之頌乃漏結前生後及盟
批南謬良深也若論主先歸三世佛方造論者應在論初五識身地
前歸依之語又准梵本餘地之初並有生後及以摠頌何於此地不
例於前聞無此耶是知乃是經生歸三世佛非論主也論盟批南
曰至十者建立記曰就正釋中先解前三瑜伽二十七品即是解
釋三持十法二解第四瑜伽即叙二十七品前後次第此第四持舊

論無文前中復三初舉十法略標綱要第二依門廣弁第三釋已按

結前中先舉一頌列十法名二長行屬當有十法具攝大乘菩薩道

及果等者依梵本語遠施達磨唐古有十法薩破羅翻薩埵有末

伽道菩提覺摩訶大般那乘僧伽羅訶攝三拔刺且羯具然今隨此

瑜伽師地論記卷第七 第二 張 乘字另

語顯此十法具收大乘因果法盡故云具攝大乘大乘是何謂道及

果備漏薩破羅故不說及果解中還有又約梵本有七轉聲有十法

具攝初轉聲便是能攝大乘菩薩道及道果是第六聲故是所攝然

舊翻譯家不解轉聲故大乘為能攝十法為所攝此亦訛也次列十

法一持即三種持二相即菩薩五相三分梵古持佉义此古品又分

或翼三十七法中亦有此名故亦翻為分又譯為品舊翻名翼訛也

此中不說多翼之義但明菩薩在家出家二品不同故舊名品若尔

題品名持即名品品有此相妨故去也四梵六訶地上增阿世耶樂意捺

名增上意樂即十五意樂梵六質多此云淨心梵本十法中亦無此語五住

即十三住六生即菩薩五生化物七攝受梵云阿如迦羅訶梵十法

中亦無此名八地即七地九行即菩薩四種行十建立梵云鉢刺底

風侘建立如來百四十德故又云毗波薩地此云安立梵本中無如

是十法隨義分別有六門一者捺別舊云初持是捺餘九是別今三

截云此論以十法為躰十法中攝法盡者名之為捺攝不盡者名之

為別住及與地遍攝因果故名捺餘之八種不遍因果故名為別二

者因果分別舊人義載種種解釋今解初持一種唯因非果第一一

種唯果非因住之與地通因及果餘之六種若據文相說唯因非果

就實而言皆通因果三者行位若別分別者持住地建立此四是位

餘六是行若通而言之皆通行位四者自利利他舊云初五是自利

瑜伽師地論記卷第七

次三是利他後二是自他利若通而言之脩習十法皆名利他今依
下論文相初五是自利次三通自他後二唯利他五者自分勝進古
解云前八自分後二勝進若通十法成就皆是自分即習是勝進今
解不然論文無相自初一種姓唯自分餘九是通自分勝進望前為
勝進望後為自分六者三持分別三持有二種一初次究竟三持若
依新論具有四持今且除第四次第持就實為論此三種持通舍十
法然十中初十八品脩行力劣起學之初名為初持隨法瑜伽以去
相等四品造脩功強行用漸勝名為次持究竟瑜伽已去生等五品
脩行漸滿得果漸近名究竟持遠法師亦當此釋土種姓發心及
行三持分別初一持法義當種姓次相等四義當發心及生心五
當加行持若就通論則十法皆通三持如種姓內任持之義說名

行方便為建立因然施戒等在十信前名為施等在十信上名波羅
蜜初地已上名二資糧四地已去名菩提分由此義故論主重舉亦
可就於同時義說別名近治六蔽故欲昇彼岸故能資福智故引生
菩提故第三加行從性種生義望大菩提為所依止從習種生藏望大
菩提為建立因故能圓滿無上大覺然彼所依菩提分法能持菩提
故從果為名名所圓滿大菩提持論住無種姓至當知速證記
日舉劣顯勝景公問曰既無種姓云何能有發心行加行等一解此
假設言也無種姓人設遇善友發心修行亦不能謏無上菩提何況
不能發心行等第二解云無種姓人設從福分善種發心修行以是
有漏終不能得無上菩提第三解云此據大乘無大乘種姓雖從
乘無漏種姓發二乘心勤脩二乘加行終不能得無上菩提泰云據

第七卷 記論地師伽瑜

二種姓人及二乘定姓說基云且有三釋假設為論是第一說決定
二乘種姓亦名無大乘種姓雖復隨緣發菩提心亦不堪任故故說
雖發心等是第二釋即法尔無姓人實雖發心究竟必退不能得彼
無上菩提此第三說問曰發菩提心非求世間果此現行心從何種
生釋曰從福分善種生非無漏種無方便無漏惠故故論云唯以人
天善根而成熟之等 論又此種姓至應知亦尔 記曰謂亦名種
姓助發心助加行助乃至種姓舍宅發心舍宅加行舍宅泰云准釋
論有二解一解助等六名並是特別名更無別義一解然義有別能
持果故名持令果續住故名助助能生果故名因與果作依故名階
級在果前行故名前導果所居處故名舍宅基云助成果故能生果
故依得果故隨說位故導生智故攝藏果故如其次第配助因等問
曰所行加行是何別明發心持名行加行今此復名所行加行釋曰

所行能行兩種各異所行之行謂菩提分法能行之行謂彼發心故
前發心名行加行今此文中菩提分法是所行加行兩種別也 論
云何種姓至二種皆取 記曰上來略弁三持竟自下廣弁種姓是
種姓品之初首於中種姓一品即解種姓持第二發心品即解發心
持第三品已後有十六品按是行方便持就種姓品中有二初正弁
種姓相第二從種姓菩薩乃至未為白法相違四隨煩惱下隨義分
別舊科此文初是自分後是勝進前中復二初明種姓相二由諸菩
薩所有種姓性與如是等功德相應下搃結性相前中有二初弁種
姓後弁相狀前中復四初明二種種姓躰二釋其異名第三對果弁
躰細第四弁勝過劣略明二種姓義有其五門一弁躰西方三說若
依勝軍所說無別性種姓躰但彼身中二障有可斷義義立本性住

瑜伽師地論記卷第七

種姓後時值善知識聞法發心求菩提等地前熏成有漏聞思等種
初從福分有漏善漸脩成道分道分漸脩增長熏成無漏種子名習
種姓即生無分別智等若依護月立有本有法尔無漏種子為性種
姓後到十信聞法發心從現行心資發本種令其增勝即名習種姓
據本有義邊名性種姓由脩增長名習種姓明於後時更不新熏成
種於舊種一躰義說地前即有二種種姓若依護法地前雖被有漏
聞熏資導本種增多如薑芽等躰是本有種類總屬本性住種姓是
則地前無有無漏習種姓躰但從性種姓生於初地初念無分別智
此智起已即熏成種方是無漏習種姓躰若論有漏習種地前即有
二得名舊名性種姓今名本性住種姓舊名習種姓今名習所成種
姓此中通名二種種姓者從數就義為名別名性習者性種姓當躰
得名習種姓從方便得名三約位前後景云若依護月性種本有義

即居前十信初心資熏性種令其增長即名習種無別習躰從十信已去二性恒俱設入初地已去亦不熏種論云熏者但熏發舊種名為熏種若依護法士始從十信已前及在地前四十心位是性種在地前時雖為有漏聞熏資發本種功能增長猶是本有種類是故判入性種所收以經地前未有現行無漏別熏成種故無無漏習種性種居前但有有漏聞熏種子名習種姓入地已去無漏現行熏成種子即有無漏習種躰義在於後基解別之入文當述測法師解有三義一者本末為論性種為前習種為後第二資成分別更不相資故前後不定謂由法尔故有習姓由習姓故性得增長第三剋實為論無前後謂十信已上乃至金剛齊有二姓故四為緣通塞護法菩薩七二姓相望唯有增上緣不同性故無因緣種子法不緣境故無緣緣亦無次第緣是種子故性種如望初地初生無分別智有因緣

第七卷 記論地師伽瑜

增長緣無緣緣次第緣二對望後得智有三緣無次第緣以二姓望
佛果現行具三緣除次第緣護月論師云二姓相望同躰故無四緣

瑜伽師地論記卷第七

第七張

庚字號

性種姓望初地正躰智有二緣望後得三緣可知勝軍云性種姓無
躰是故不論習種望初地無分別智有兩解一云有因緣何以故同
是道諦故一云唯有增上緣如小乘苦忍無自分因五對佛果分別
依護法義性種姓望受用身是正因緣望餘二身非正因緣若望八
識四智是正因緣習種姓望三身具二緣謂因緣增上望八識四智
有二解一云初地已有平等性智妙觀察智熏成種故生佛果望
二智六七識得作三緣除次第緣望圓鏡智及成所作智唯有二緣
緣緣增上一云平等性智妙觀察智種子望四智八識具有三緣除
次第緣護月云二姓同躰義分以望受用身八識四智皆具三緣除

次第緣勝軍云平等性智妙觀察智熏成種子故能生佛果八識四
智文云謂諸菩薩六處殊勝有如是相從無始世展轉傳來法尔所
得等者景云謂諸菩薩者舉有種姓大乘人也六處殊勝者若依舊
解謂自性住佛性即如來藏有不離不脫不異不思議過恒沙功德
今時具六入功德故言六入殊勝今則不然六處者還是眼等六處
言殊勝者阿賴耶識是其意處於六處中寂為殊勝殊勝意處是性
所依言有如是相者捨出能依性種之躰此大乘性種本來是有故
言從無始世躰是有為依阿賴耶相續至今故導展轉傳來不由熏
成故言法尔所得又解性種姓躰捨依菩薩內六處身故言六處雖
亦依於外六處身然有非情是非不定故但言六內處言殊勝者正
出性種之躰有如是相下重復分別分別如前此依三藏作此二解
又有人解雖復通依內外六處不過六故但言六處餘義如前習種

瑜伽師地論記卷第七

姓者若依勝軍初從福分善根漸漸脩習成於道分展轉脩之乃至
熏成無漏種子名習種姓若依護月性種本有後入十信聞法發心
資熏本有性種令其增長名習種姓若依護法性種被資流類增多
但名性種現行無漏別熏成種名習種姓故導謂先串習善根所得
泰云六處殊勝述西方六說一云附於六處有無漏種子殊勝功能
為六處所攝故二云有二障種子附在六處所攝此二障種子必應
可斷故名殊勝此上二說依隨轉理門若約真實理門唯第六處中
有無漏種子或二障可斷義約大數為論摠言六處也三云於六處
中有殊勝處所謂意處意處中殊勝者謂第六意第六意中殊勝者
謂無漏種子或二障種子可斷此舉躰取用也四云第八識有相見
分眼等五處是相分阿賴耶見分是第六處此六處摠是本識相見

分此相見分所依自辨分中有無漏種子殊勝功能或二障種子可
斷功能此舉相見顯自辨中所有殊勝功能五云於第八識中具有
無漏眼等六處種子殊勝功能亦有色等六處無漏種子此就強說
但云六處不云十二處六云實有無漏十二處種子不過六故但云
六處如七葉樹西方諸師然多存立本有無漏種子為殊勝也基云
本種姓習種姓如新舊三義隨所應立之有人言護法菩薩取地上
名習不取地前十信不生無漏種故生彼種時名習種姓隨增隨生
護月護法義別唯勝軍師本種姓於所知障可斷義用立之習種姓
即十信時取有漏聞思等種是問曰生見道云何釋云有二義世第
一法與苦法智忍為增上緣生苦法忍於有為中唯此一無漏不從
因緣生二或用世第一法為因緣生串習多時所知障可斷有漏善
寂勝寂勝義故得為因緣親生苦法忍此論師意用為因緣即如後

解光師所立義增上緣生既古所傳故欲別一義故故作是立其意
欲尚者唯護法義有人云護法入十信時未別生種者不然如仁王
經說有差別地前三心一信心二住心三堅心信位中名習種姓住
心者即十解十行二十心合為住心堅心即十迴向心西方尋訪彼
經未聞有本雖尔今且會之如彼經意摠說習種姓為衆多姓即彼
經去習種姓者謂在信心即十信位也性種姓者謂在住心住心彼
經即十解十行十解十行名性種姓問曰何故彼經先明習姓後明
本姓釋云初脩習時名為習姓後習已成性名性種姓故此先後非
如此論義問曰何故彼合二十心為十住花嚴等開為二十心釋
曰簡前後故前初發生增上信故故簡異前既不隣近初見道故故
合二十心但名一住故十迴向彼經說為道種姓隣近見道無漏道
故見道已去名行種姓是彼經意今此論意理必不然姓各異故此

中義意二種皆取者若依舊地持無此文今三藏依梵本具說此文
今摠收二姓為種姓持故云二種皆取 論又此種姓至亦名為種
姓 記曰釋異名中種姓能生果故名種子因性義故名界恒沙功
德性種類故名種姓 論又此種子至與果俱故 記曰弁庵細中

瑜加師地論記卷第七

第九張

讀字号

舊地持言又不習者果細果遠習者果麤果近古人有云性種無為
非脩習法故言不習離名絕相故言果細非近情所測故言果遠習
種有為可脩之法故名為習有名有相故導果麤情慮可擬故言果
近有說先有習種能證名麤名近後有所證性種名細名遠今所翻
譯與舊全別文意但就種姓解三藏云又此種姓未習成果說名為
細者謂未習種姓果說名為細若習成種姓果即名為麤所以尔者
發心以去由習種姓故名為麤泰云勝軍等解未發菩提心未習種